

Helstu liðir í efnahagsreikningi Seðlabanka Íslands

Meðfylgjandi eru upplýsingar úr efnahagsreikningi Seðlabanka Íslands í lok desember 2003 og til samanburðar í lok desember 2002 ásamt breytingum í desember 2003 og frá ársbyrjun 2003.

Þar sem áramótauppgjöri og endurskoðun er ekki að fullu lokið eru tölur fyrir desemberlok 2003 bráðabirgðatölur og kunna þær að taka breytingum í endanlegu uppgjöri.

Gjaldeyrisforði Seðlabankans jókst í mánuðinum um 0,3 milljarða króna og nam 58,1 milljarði króna í desemberlok (jafnvirði 819 milljóna Bandaríkjadala á gengi í mánaðarlok). Erlend skammtímalán bankans vegna gjaldeyrisforða voru engin í lok ársins en námu rúmlega 16 milljörðum króna í byrjun þess.

Seðlabankinn keypti gjaldeyri á innlendum millibankamarkaði fyrir 3,7 milljarða króna í desember í samræmi við áætlun hans um aðgerðir til að styrkja gjaldeyrisstöðu sína sem m.a var greint frá í máihefti Peningamála 2003. Gengi íslensku krónunnar styrktist um 1,4% í desember og um 1,2% á árinu öllu.

Markaðsskráð verðbréf í eigu bankans námu 3,9 milljörðum króna í desemberlok miðað við markaðsverð. Þar af námu markaðsskráð verðbréf útgefin af ríkissjóði 0,7 milljörðum króna.

Kröfur Seðlabankans á innlánsstofnanir lækkuðu um 17,6 milljarða króna í desember og námu 24 milljörðum króna í lok mánaðarins. Kröfur á aðrar fjármálastofnanir hækkuðu lítillega og námu 4 milljörðum króna í mánaðarlok.

Innstæður innlánsstofnana lækkuðu um 16,7 milljarða króna í mánuðinum en í desember var bindiskylda lækkuð, almennum innstæðum breytt í innstæður með bindiákvæðum og sérstökum bindireikningum lokað.

Nettókröfur Seðlabankans á ríkissjóð og ríkisstofnanir hækkuðu um 3,1 milljarð króna í desember og námu nettóinnstæður ríkissjóðs 22,1 milljarði króna í lok mánaðarins.

Grunnfé bankans lækkaði í desember um 11,6 milljarða króna og nam 21,7 milljörðum króna í mánaðarlok.

Nánari upplýsingar veita bankastjórar Seðlabanka Íslands og Erla Árnadóttir aðalbókari í síma 569-9600.

Helstu liðir í efnahagsreikningi Seðlabankans
Í milljónum króna

	Staða í lok tímabils		Hreyfingar 2003	
	Desember 2002	Desember 2003	Frá ára- mótum	Í desember
<u>Eignaliðir :</u>				
Gjaldeyrisforði	37.194	58.115	20.920	335
Gull	1.727	1.873	147	2
Erlendur gjaldeyri	33.418	54.279	20.861	375
SDR	12	3	-8	0
Gjaldeyrisstaða IMF	2.038	1.959	-79	-42
Markaðsskráð verðbréf	5.260	3.939	-1.322	16
Ríkissjóðs	1.816	715	-1.100	9
Annarra	3.445	3.223	-221	7
Kröfur á innlánsstofnanir	69.141	24.038	-45.102	-17.632
Kröfur á aðrar fjármálastofnanir	8.227	4.193	-4.034	551
<u>Skuldaliðir:</u>				
Erlendar skuldir til skamms tíma	16.499	124	-16.375	-15
Seðlar og mynt	9.590	10.583	994	636
Innstæður innlánsstofnana	23.001	6.616	-16.385	-16.695
Innstæðubréf	0	4.500	4.500	4.500
Innstæður annarra fjármálastofnana	1.333	75	-1.258	-582
<u>Liðir til skýringar :</u>				
Gjaldeyrisstaða Seðlabankans, nettó:	20.696	57.991	37.295	349
Kröfur á ríkissjóð og ríkisstofnanir, nettó:	-20.846	-22.147	-1.301	3.129
Kröfur á aðra, brúttó	77.454	28.313	-49.142	-17.099
Grunnfé:	32.590	21.699	-10.891	-11.559

Skýringar:

Gjaldeyrisforði sýnir brúttóeign Seðlabankans í erlendum gjaldeyri. Erlendur gjaldeyri sýnir innstæður í erlendum bönkum og erlenda verðbréfaeign bankans. Gjaldeyrisstaða við IMF sýnir hreina innstæðu bankans hjá Alþjóðagjaldeyrissjóðnum. Markaðsskráð verðbréf ríkissjóðs sýna eign bankans í spariskírteinum ríkissjóðs, ríkisbréfum og ríkisvixlum. Markaðsskráð verðbréf annarra eru húsbref og húsnæðisbréf. Kröfur á innlánsstofnanir eru brúttókröfur bankans á innlánsstofnanir. Kröfur á aðrar fjármálastofnanir eru brúttókröfur bankans á þessar stofnanir. Erlendar skuldir til skamms tíma sýna gjaldeyrisinnstæður í Seðlabanka Íslands. Seðlar og mynt sýna heildarfjárhæð seðla og myntar í umferð utan Seðlabanka. Almennar innstæður innlánsstofnana og annarra fjármálastofnana eru innstæður þeirra á viðskiptareikningum í Seðlabankanum og bundnar innstæður innlánsstofnana og annarra fjármálastofnana eru innstæður sem þeim er skylt að eiga í Seðlabankanum í samræmi við bindiskyldu sem bankinn ákveður. Nedanmáls eru sýndir fjórir liðir til skýringar, í fyrsta lagi nettógjalddeyrisstaða Seðlabankans sem sýnir erlendar eignir til skamms tíma að frádregnum erlendum skuldum til skamms tíma, í öðru lagi nettókröfur Seðlabankans á ríkissjóð og ríkisstofnanir, þ.e. skuldir þessara aðila við Seðlabankann að frádregnum innstæðum þeirra í bankanum, í þriðja lagi innlendar brúttókröfur á aðra en ríkið, og í fjórða lagi grunnfé bankans en til þess teljast seðlar og mynt í umferð og innstæður innlánsstofnana í Seðlabankanum.